

# LITURGI MINGGU UEM

## A. PERSIKAPEN

Perpulangan nikapken pusuh ras ukur guna ngadap man Tuhan  
Pelayan ibadah ersikap i ruang persikapen

*.....Musik.....*

## B. KEBAKTIN

### 1. Kata Pengalo-ngalo ras Momo

Turang ras senina i bas Tuhanta Jesus Kristus, selaku serayan Tuhan, ikataken kami mejuah-juah ras selamat Wari Minggu man banta kerina. Man bandu kekelengen kami si sekali enda denga erkebaktin i bas gerejanta enda, ikataken kami mejuah-juah. Kerehenndu nambahi keriahen man banta kerina. I bas bena kebaktinta mari dage sidengkehken momo kerna perdalenen perpulangan Tuhan, bage pe rencana pelayanen gerejanta ku bas wari-wari si reh enda *(Ngogeken Momo)*.

### 2. Kata Penaruh

Turang ras Senina i bas Tuhanta Jesus Kristus, Minggu enda kita bengket kubar Minggu UEM (*United Evangelical Mission*), e me Minggu si encidahken kiniersadanta ras gereja-gereja si deban subuk i Jerman, Afrika ras Asia, si tergabung ibas UEM. Ibas minggu enda, kebaktinta makeken liturgi si isikapken kekelengenta Gereja Kalimantan Evangelis (GKE).

*"ADIL KA'TALINO, BACURAMIN KA'SARUGA, BASENGAT KA'JUBATA"*

Turang ras Senina, enda me salah sada falsafah si jadi salam ibas suku Dayak i Kalimantan. Arah falsafah enda, kita ipersingeti maka kegeluhenta arus encidahken perbahanen si adil, bujur, bagepe la diskriminatif nandangi temanta manusia bagepe kerina tinepa Dibata. Mari dage sipesikap pusuhnda ndahi Tuhan.

- Erkata Lonceng *(Perpulangan Tedis)*
- Rende **KEE 196 : 1 - 3** *(Serayan Kebaktin bengket ku Mimbar)*

### 3. Votum – Salam

L Ibas gelar Dibata Bapa sinjadiken kerina bangsa, ibas gelar AnakNa Jesus Kristus si nebusi kerina manusia, ras ibas gelar Kesah Si Badia si mpengasup kita (kam) nggeluh ibas kinierbagen.

Perkuah ate ras dame i bas Dibata Bapa ras i bas Tuhan Jesus Kristus nari, i bas kerembaken Kesah si Badia, ras kita (kam) kerina gelah. Amin.

P Amin..... Amin..... Amin.....(*iendeken*)

### 4. Berita kerna Perbahanen ras Sura-sura Dibata(*Invocatio*)

L Nina Dibata, "Genduari Sijadikenlah manusia si sentudu ras tempasTa, si menam seri ras Kita, gelah ikuasaina kerina nurung, perik-perik, bage pe kerina asuh-asuhen ras rubia-rubia si meliar, subuk si galang ras si kitik."

Erpalasken kata Dibata enda, sipuji IA arah ende-endenta

**KEE 372 : 1 - 3**

### 5. Pujin man Dibata

*(Perpulungen Kundul)*

L Dibata enggo nepa doni enda alu kinierbagen, subuk i bas suku bangsa, bahasa ras denominasi gereja. I bas kinierbagen e, Dibata ndilo kita jadi temanNa erdahin guna encidahken peratenNa nandangi sekelewetta, erpalasken kekelengen.

P Terpuji gelar Tuhan, i bas enggo iatankenNa kita jadi temanNa erdahin i doni enda.

L Mari sipuji Tuhan alu ngendeken **KEE 368 : 1 - 3**

### 6. Kinata Kegeluhen Manusia

L Dibata enggo ncidahkan kemulian ras kuasaNa arah Jesus Kristus dingen arah penemani Kesah Si Badia. Sigejap nge pendahin keleng ate Dibata e ibas kegeluhenta?

*.....(Paksa Teneng).....*

L Tuhan Jesus ertoto gelah ajar-ajarNa ersada i bas kinierbagen. Bageme Dibata ndilo kita ersada i bas salah sada wujud kiniersadan kula ni Kristus i bas Persekutuan Misi 3 (tiga) benua: Afrika, Asia, ras Eropa (Jerman) si igelari *United Evangelical Mission* (UEM) guna kita erdahin

selaku teman sada aron Dibata nehken kekelengenNa man doni enda.

P Ngaku kami o, Tuhan kurang denga kesadaran kami sebage bagin ibas persadan UEM seh maka megati kurang denga kami muat bagin ibas notoken ras ndukung program-program pelayanen UEM.

L Mari tole sicidahken pengakunta arah ende-endenta

**KEE 417 : 1, 2**

## 7. Berita Pengalemi Dosa

*(Perpulangan Tedis)*

L Selaku persuruhan Dibata aku nehken kataNa man banta (ndu) kerina si ngakuken dosa ras kesalahenna, dengen jera ibas dosa ras kesalahenta (ndu) nari, niNa:

*"Desken remang erpagi-pagi, dosandu enggo Kulesapken, janah salahndu pe enggo Kusasap desken embun. E maka mulihlah kempak Aku, sabab Aku kap Penebusndu"*

(Jes. 44:22). Amin

Si penangkih pujinta erkiteken dosanta enggo ialemi Dibata, arah ende-endenta **KEE 454 : 1, 3**

## 8. Kata Dibata

*(Perpulangan Kundul)*

a. Marilah sibegiken Kata Dibata Bagin Si Pemena, sini ibuat ibas Kitab **Judas 1 : 24 - 25**. Mari siogeken secara pegancih. Sibenaken pengogenta .....

### Pertoton pengataken bujur

L IA si ngasup ngkawali kam gelah ola celus, si ngasup pe maba kam ngadap ku adep-adepen Dibata si Mulia, alu dem keriahen ras la erpandangan

P IA ngenca Dibata Si Ngkelini kita arah Jesus Kristus Tuhanta, si akuilah kemuliaNa, kedolatenNa, kuasaNa, ras pemerentahenNa nai-nai nari, genduari, ras seh rasa lalap. Amin.

L Ketuahen kalak si megiken Kata Dibata, dengen si makenca ibas geluhna si teptep wari. Haleluya.

P Haleluya..... Haleluya..... Haleluya..... *(Iendeken)*

- b. Ertoto guna Khotbah
- c. Khotbah : **Joel 2 : 23 - 27.**  
Tema : **"IberekenNa Rikut Payona"**
- d. Ertoto kenca khotbah

## 9. Pengakun Kiniteken

*(Perpulungen Tedis)*

## 10. Persembahen

*(Perpulungen Kundul)*

L Ibereken kesempatan man banta guna ersikap nehken persembahen pengataken bujurta man Dibata. Kata Dibata si jadi palas ibas kita nehken persembahenta, niNa:

"Ngataken bujur e me persembahen si pehagaken Aku, janah si patuh ngikutken Aku tentu Kukelini". (Mas. 50:23)

Tupung kita mpepulung persembahenta, rende kita arah

**KEE GBKP No. 302 : 1 - 3**

Pertoton Persembahen & Pertoton Sapaat

## 11. Persembahen Khusus Guna UEM

Selaku ringring ni Kristus arah persadanta i bas UEM (United Evanglism Mission) ras ndukung kerina program pelayanen UEM, e maka mari sibuat baginta alu nehken persembahen khusus enda. Janahna kita mpepulungsa, ras kita rende arah KJ No. 381 (Bahasa Indonesia, Bahasa Dayak Ngaju & Bahasa Dayak Maanyan)

### Kidung Jemaat No. 381. Yang Mahakasih

Do = D, 3 ketuk

1	1	3		5	3	5	1	6		5	3
Yang	Ma-ha	-		ka-sih	ya	-	i	-	tu		Al-lah
Ha-	tal	-	la	sin	ta	-	ka	-	lu	nen	je-toh
Tu-	han	haut		sin-	ta	du	-	ni	-	a	ye-na

5	6	5		4	2	2	5	5		3	.	
Al-lah	Pe	-		nga-sih	pun	ba	-	gi	-	ku.		
Ha-	tal	-	la	sin	ta	tau	de	-	ngang	-	ku	
Ka-	tu	-	luh	u	-	lun	na	sin	-	ta	Ni.	

*Refrein*

3	3	5		4	4	2	4	4	6		5	3
A	-	ku	se	la	-	mat	-	lah	o	-	leh	ka
Toh	to	-	to	ta	-	wang	-	ku	Ha	-	tal	-
Ba-	tan	-	tu	ra	-	sa	ku	a	-	ku	na	sin
												ta
												sin
												ta

3	3	5		4	2	2	5	5		3	.	
O	-	leh	ka	sih	-	Nya	ke	-	pa	-	da	ku.
Ha-	tal	-	la	sin	ta	tau	de	-	ngang	-	ku	
A	-	ku	na	sin	-	ta	sa	-	ra	-	tang	leh

## 12. Perpadanen man Dibata

(*Perpulangan Tedis*)

- L Kemulian dengen keleng ras kuasa Dibata enggo tangkas ibas Dibata Bapa, AnakNa Jesus Kristus, ras Kesah Si Badia si engkelini kegeluhenta ras doni enda.
- P Erpadan kami Tuhan tetap nggit nggejapken dengen naksiken kiniulin Dibata i bas kegeluhen kami.
- L Selaku ringring ni Kristus i bas UEM (United Evangelism Mission), kai dage si ipadankenndu man Tuhan?
- P Erpadan kami Tuhan, selaku ringring ni Kristus i bas UEM, nggit kami notoken ras muat bagin i bas kerina program pelayanen si enggo iaturken gelah arah UEM gelarNdu pe ermulia.
- L Guna mpeteguhi perpadanenta enda, sipuji Tuhan arah  
**KEE GBKP No. 209 : 1, 2, 4**

## 13. Pertoton Tuhan

## 14. Pengutusen & Pasu-pasu

- L Bengketilah ku bas kegeluhenta (ndu) si teptep wari, janah lakokenlah kai si ngena ate Dibata. Guna si e, aloken pasu-pasu i dur Dibata nari:  
*"Ipasu-pasu janah ikawali Dibata kita (kam), siang ayo Dibata ersinaisal ibabonta (ndu), janah melias ateNa ngenehen kita (kam). Itatap Dibata ku kita (kam), janah malem ateta (ndu) ibahanNa. Amin. (Bdk. Bil. 6:24-26)*
- P Amin, Amin, Amin (*iendeken*)